

आकाशवाणी

खास-खास खबरां

- प्रधानमंत्री नरेन्द्र मोदी होर अज्ज बिहार ते पच्छिम बंगाल च केई सारी विकास परियोजनाएं दा शुभारंभ करडन।
- भारत नै परमाणु थेहार लेई जाने च सक्षम लौहकी दूरी तोहड़ी मार करने आहली बैलिस्टिक मिसाइल पृथ्वी-2 ते अग्नि-1 दा चांदीपुर आहली परीक्षण रेंज थमां कामयाबी कन्नै आजमाईश कीती ऐ।
- भारती नौसेना आसेआ अज्ज विशाखापत्तनम च अपने पैहले स्वदेशी डाइविंग सहायक पोत आईएनएस निस्तार गी पानी च तोआरेया जाहग।
- अमरीका नै जम्मू-कश्मीर दे पहलगाम च होए दे आतंकवादी हमले च शामिल 'द रेजिस्टेंस फ्रंट-टीआरएफ' गी आतंकवादी गुट घोशत करी दित्ता ऐ।
- पाकिस्तान दे पंजाब प्रांत च जंदे बुधवार थमां बरा करदी बरखा करी पिछले 48एं घैंटें च घट्टोघट्ट 63 लोक मारे गे न ते 290 लोक घाऽल होए न।
- हंगरी दी राजधानी बुडापेस्ट च, पोलाक इमरे ते वर्गा जानोस मेमोरियल कुश्ती टूर्नामेंट च, भारत दे सुजीत कल्कल होरें सुन्ने दा तगमा जित्ती लैता ऐ।

<><><><><><>

PM-Bihar

प्रधानमंत्री नरेन्द्र मोदी होर अज्ज बिहार ते पच्छिम बंगाल दा दौरा करगन। प्रधानमंत्री होर बिहार च मोतीहारी च 7 ज्हार 2 करोड़ रपे दी लागत आला विकास कम्म राश्ट्र गी समर्पित करगन जां फही हुंदा नीह पत्थर रखगन। इंदे च सॉफ्टवेयर प्रौद्योगिकी पार्क, चार नमियां अमृत भारत रेलगडिडियां ते शिड़क परियोजनां बी शामिल न, जेहदे कन्नै लोकें आस्तै मौके दस्तेयाब होंगन। बाद च श्री मोदीपच्छिम बंगाल च दुर्गापुर च बी केई कम्मों दी आधार शिला रखगन ते5 ज्हार करोड़ रपे शा मती लागत आली परियोजनाएं दा उद्घाटन करगन। उंदे च तेल ते गैस, बिजली, रेल ते शिड़क परियोजना शामिल न।

<><><><><><>

Missile Test

भारत नै परमाणु थेआर लेई जाने सकने आली बद्ध दूरी बैलिस्टिक मिसाइल पृथ्वी-2 ते अग्नि-1 दा सफल परीक्षण कीता ऐ। एह परीक्षण ओडिशा दे चांदीपुर च कीता गेआ। बुधवार गी आकाश प्राइम मिसाइल दा बी सफल परीक्षण कीता गेआ हा जिसी लद्दाख च साढ़े 4 ज्हार मीटर शा मती उंचाई शा बी इस्तेमाल कीता जाई सकदा ऐ। पृथ्वी-2 मिसाइल दी रेंज लगभग साढ़े 3 सौ किलोमीटर ऐ ते एह 5 सौ किलोमीटर तगर दे पारंपरिक ते परमाणु थेआर लेइयै जाई सकदी ऐ।

<><><><><><>

INS

भारतीय नौसेना अज्ज विशाखापत्तनम च अपने पैहले स्वदेशी ड्राइविंग सहायकपोत आईएसएन निस्तार गी पानी च तोआरेआ जाग। इस पोत दा निर्माण विशाखापत्तनम च हिंदुस्तान शिपयाड लिमिटेड नै कीता ऐ। अत्याधुनिक तकनीकें कन्नै लैस एह पोत गैहरे समुंद्र च गोताखोरी दे बेजोड़ अभियान च उपयोगी साबत होग।

<><><><><><>

UP ATS

एतत्तर प्रदेश आतंकवाद विरोधीदस्ते नै छागुर बाबा दे इक प्रमुख सैहयोगी राशिद गी गिरफ्तार करी लैता ऐ ते राशिद बड्डे पैमाने पर धर्मातरण रैकेअ च शामिल हा।ओह्दी गिरफ्तारी बलरामपुर दे उत्तरौला इलाके थमां होई, जित्थुआं इस रैकेट दी शुरुआत मन्नी जा'रदी ऐ। छागुर बाबा नै राशिद गी धर्मातरण सिंडीकेट दी लव जिहाद शाखा दी जिम्मेदारी सौंपी ही। राशिद गी जंदे रोज इक स्थानीय अदालत च पेया कीता गेआ।

<><><><><><>

US TRF Pahalgam

अमरीका नै 'द रेजिस्टेंस फ्रंट-टीआरएफ' गी आतंकवादी गुट घोशत करी दित्ता ऐ। एह संगठन 22 अप्रैल गी जम्मू-कश्मीर दे पहलगाम च होए दे आतंकवादी हमले च शामिल हा। अमरीका दे बदेश मंत्री मार्को रुबियो होरें आखेआ ऐ जे टीआरएफ गी बदेशी आतंकवादी गुट घोषित करना अमरीकी राश्ट्री सुरक्षा हितें दी राक्खी ते आतंकवाद खलाफ लड़ाई दे प्रति ट्रम्प प्रशासन दी वचनबद्धता ते पहलगाम हमले आहले मामले च न्याऽ लेई राश्ट्रपति ट्रम्प हुं'दे आह्वान दे मताबक ऐ। लश्कर-ए-तैय्यबा दे मुखौट गुट टीआरएफ नै 22 अप्रैल गी पहलगाम च होए दे आतंकवादी हमले दी जिम्मेदारी लैती ही, जेहदे च 26 लोक मारे गे हे। टीआरएफ नै भारती सुरक्षा बलें पर केई होरनें हमलें दी बी जिम्मेदारी लैती ऐ। बदेश मंत्री एस जयशंकर होरें मंगलवारें चीन दे तियानचिन च शंघाई सहयोग संगठन दे बदेश मंत्रियें दी बैठक च आखेआ हा जे संयुक्त राष्ट्र सुरक्षा परिषद नै बी पहलगाम हमले दी निंदेआ कीती ही ते आखेआ हा जे आतंकवाद खलाफ मजबूत रौंऽ अपनाने दी लोड़ ऐ। श्री जयशंकर होरें इब्बी आखेआ हा जे आतंकवाद, अलगाववाद त उग्रवाद आपूं-चै इक दुए कन्नै जुड़े दे न।

<><><><><><>

Pakistan Rain

पाकिस्तान दे पंजाब प्रांत च जंदे बुधवार थमां बरा करदी बरखा करी पिच्छले 48एं घैंटें च घट्टोघट्ट 63 लोक मारे गे न ते 290 लोक घाऽल होए न। मती सारी मौतां इमारतें दे ढटठने करी होइयां न। राजधानी इस्लामाबाद दे नेड़े रावलपिंडी शैहरा च अज्ज सार्वजनिक छुट्टी घोषित कीती गई ऐ तांजे लोक घरें च गै रौह्ने। उफनदे दरेया दे कोल रौह्ने आहले लोकें गी घर खाली करने लेई आखेआ गेआ ऐ। हाड़ करी पाकिस्तान दे पूरे पंजाब सूबे च केई एक्सप्रेस-वे बंद होई गेदे न ते दर्जनां डुआरियां रद्द होई गेइयं न जां फही चिरें चला करदि'आं न। पंजाब दी मुख्यमंत्री मरियम नवाज़ नै केई इलाकें च एमरजेन्सी घोषित करी दित्ती ऐ।

<><><><><><>

Weather

मौसम विभाग नै अज्ज राजस्थान ते दक्खनी कर्नाटक दे अंदरूनी इलाकें च मौलेधार बरखा दे असार दस्से न। समुंदरी कंड्डे आहले कर्नाटक, केरल, माहे, तमिलनाडु, पुडुचेरी, कराईकल, पच्छमी मध्यप्रदेश ते पच्छमी उत्तर प्रदेश च बी अज्ज बड़ी तेज बरखा बरी सकदी ऐ। आंध्रप्रदेश, तेलंगाना, पूर्वी मध्य प्रदेश, पूर्वी उत्तर प्रदेश, हिमाचल प्रदेश ते उत्तराखंड सने देशै दे पूर्वोत्तर इलाकें च बी इस्सै चाल्ली दे हालात रौह्ने दे असार न। तोआई, अगले 7एं दिनें दरान देशै दे उत्तर-पच्छम, पच्छम, उत्तर-पूर्व, पूर्व, मध्य ते दक्खनी प्रायद्वीपीय हिस्सें च तेज हवाएं दे कन्नै बिजली चमकने ते बरखा बरने दे असार न। दिल्ली-एनसीआर च अज्ज बद्दल छाए दे रौह्दन ते हौली बरखा बी बरी सकदी ऐ।

<><><><><><>

Election Commission Bihar

चुनांS आयोग नै आखेआ ऐ जे बिहार च मतदाता सूचिएं दी बशेश नजरसानी सरबंधी अभियान दे तैहत हूनै तोहड़ी 7 करोड़ 8 लक्ख शा मते फॉर्म हासल होई चुके दे न जेहड़े कुल मतदाताएं दा 89 इशारिया 7 फीसद बनदे न। इस अभियान दे हून छड़े 8 ध्याड़े बचे दे न ते राज्य च मतदाता—सूची दा मसौदा पैहली अगस्त गी प्रकाशत कीता जाना ऐ। इस सरबंधै च राज्य दे 261 शैहरी निकाय संस्थानें दे 5 ज्हार 683 वार्डें च बशेश शिविर लाए जा'रदे न। आयोग नै दस्सेआ जे इक इशारिया 5—9 प्रतिशत मतदाता मोए दे पाए गे न। 2 इशारिया 2 प्रतिशत मतदाता अपनी रिहायश बदलियै स्थायी तौर पर कुतै होर जाइयै बसी गेदे न ते 4 इशारिया 5—3 प्रतिशत मतदाता ऐसे न जेहड़े अपने दर्ज पते पर मजूद नेई हैन। आयोग नै इब्बी आखेआ ऐ जे जेहड़े लोक अस्थाई तौा पर राज्य थमां बाहर गेदे उट्ठी न, ओह् बी आयोग दी वेबसाईट जां ई.सी.आई.नेट ऐप पर अपना फॉर्म जमा करोआई सकदे न।

<><><><><><>

Health Minister

सेहत ते परिवार कल्याण मंत्री जे.पी.नड्डा होरें आखेआ ऐ जे सरकार बचावकारी ते उपचारी दवै तरीकें आलीसेहत सेवाएं देने दे समग्र दृष्टिकोण कन्नै कम्म करा'रदी ऐ। कल नमीं दिल्ली च इक कार्यक्रम च नड्डा होरें आखेआ जे इक लक्ख 77 ज्हार आयुष्मान आरोग्यतंदिरें दा निर्माण कीता गेआ ऐ जेहड़ा दूर दरेड़े इलाकें च बी संचालित होआ'रदे न। श्री नड्डा होरें आखेआ जे सब्बै आयुष्मान आरोग्य मंदिरें च टेली—परामर्श सुविधा उपलब्ध ऐ।

<><><><><><>

Wrestling

हंगरी दी राजधानी बुडापेस्ट च, पोलाक इमरे ते वर्गा जानोस मेमोरियल कुश्ती टूर्नामेंट च, भारत दे सुजीत कल्कल होरें सुन्ने दा तगमा जित्ती लैता ऐ। उ'नें एह् तगमा मर्दे दे 65 किलोग्राम फ्रीस्टाइल वर्ग च जित्तेआ ऐ। सुजीत होरें फाइनल च, चार बारी दे यूरोपी पदक विजेता अज़रबैजान दे अली रहीमज़ादे गी हराया ऐ। एह् इस ब'रे यूनाइटेड वर्ल्ड रेसलिंग रैंकिंग श्रृंखला दी कुसै बी प्रतियोगिता च देशै दा पैहला सुन्ने दा तगमा ऐ। प्रतियोगिता च, इक होर भारती पलोआन राहुल नै मर्दे दे 57 किलोग्राम फ्रीस्टाइल डिवीजन च जर्मनी दे निकलास स्टेचेले गी हराइयै कैह् दा तगमा जित्तेआ ऐ।

<><><><><><>